



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

47. Gosuinus dominus Heinsbergensis, & vxor eius Aleidis, funda[n]t
monasterium Heinsbergense, quod nunc est virginum ord.
Praemonstratensis, in Ducatu Iuliacensi & dioecesi Leodicensi;
confirmante ...

urn:nbn:de:hbz:466:1-10903

ZANTFLITEN) nunc *Santvliet*, vicus ad Scaldim, inter Antuerpiam & Bergas ad Zomam, olim piscatorum copia potens.

OLMEREMVTHEN) nunc *Olmeren*, vicus Brabantia, eodem in tractu.

C A P V T X L V I I .

*Gosvinus dominus Heinsbergensis & vxor eius Aleidis fundant
monasterium Heinsbergense, quod nunc est virginum ord.*

Pramonstratensis in Ducatu Iuliacensi, & diœcesi

Leodicensi; confirmante Alexandro Episcopo

Leodicensi anno 1165.

IN nomine sanctæ & indiuiduæ Trinitatis. ALEXANDER secundus Dei gratia Leodiensis Episcopus omnibus catholicæ Ecclesiæ filijs, tam præsentibus quàm futuris in perpetuum.

Si officij nostri locum & dignitatem consideremus, necessarium est vt bona non tantum coram Deo, sed coram omnibus hominibus faciamus, & piam fidelium intencionem erga sanctam ecclesiam debita auctoritate roboremus.

Nouerit itaque dilectio vestra, quòd dominus GOZVVINVS secundus Henesbergensis, & vxor eius ALEIDIS, animarum suarum, parentum quoque & filiorum memores, basilicam monti suo collateralem, in honore Domini nostri Iesu Christi, matrisque eius fundauerunt; & eam per manum prædecessoris nostri Henrici consecratam, & mancipijs, agris & arbutis dotatam, diuinæ seruituti obrulerunt.

Anno verò Dominicæ incarnationis millesimo centesimo sexagesimo quinto, Indictione decima quarta, regnante Friderico Romanorum Imperatore, in ecclesia B. Mariæ in Aquis-grani, ab ipso fundatore Gozvvino, & filijs eius PHILIPPO Archidiacono, Gozvvino, Godefrido consentientibus, rogati sumus, quæ prædictæ basilicæ dotis sunt allodia (ne aliquis ausit diripere ab ipsis fratribus ibi Domino militantibus) banno sancire, & summam totius redditus eiusdem basilicæ scripto enumerare.

In ipso etenim fundo Henesbergensi cum agris & arbutis mansi duo; Rode mansi vndecim; Waldenrode mansi duo, in loco
qui

qui vulgò Ad quercum dicitur, mansus & dimidius. Eundem quoque locum communionem filiarum & pastus, per suarum potestatis ambitum, habere instituit.

Communicato itaque consilio cum ipso domino Gozuvino & filijs eius, maximè rogatu domini Philippi Præpositi maioris ecclesiarum & Archidiaconi, hæc confirmata sunt & sigillo nostro roborata III. Idus Martij, quod tunc erat in Capite ieiunij in celebri curia nostra Leodij, & testes idonei suppetati, quorum sunt nomina,

Dominus Elbertus Archidiaconus.

Dominus Reinerus Archidiaconus.

Dominus Almericus Archidiaconus.

Dominus Balduinus Archidiaconus.

Dominus Bruno Archidiaconus.

Dominus Hubertus Decanus S. Lamberti.

Abbas Drugo S. Iacobi.

Abbas Euerhelmus S. Laurentij.

Abbas Gerlandus Floreffiarum.

Abbas Lucas de Cornillon.

Godefridus Dux Louaniarum.

Heinricus Comes Namucensis.

Lodevicus Lonensis.

Herevrigus Decanus.

Rutgerus filius domini Gozuvini.

Ne igitur quisquam huic liberarum traditioni in posterum contraire præsumat, omnimodis prohibemus, & sub anathematis intentione interdiciamus.

NOTATIONES.

GOZUVINVS) seu Gosuinus dominus Heinsbergenfis, & vxor eius ALEIDIS seu Adeleidis, ad pedem arcis Heinsbergenfis, monasterium in honorem S. Mariæ & S. Ioannis Euangelistæ construxerunt ac dotarunt, quod intra muros opidi Heinsbergenfis hodie moniales ord. Præmonstratensis, nobili genere natæ, possident. Fuit olim extra muros situm, vsque ad ann. 1542. quo conflagrauit, bello inter Carolum V. Cæsarem & Guilielmum Iuliarum Ducem saeuiente.

Est

Est autem Hensberga seu Heinsberga opidum Ducatus Iuliacensis, & diœcesis Leodicensis, cuius opidi dominium ad Iuliacenses Principes est deuolutum; familia veterum dominorum Heinsbergenſium emortua.

FRATRIBVS (ibi militantibus.) Vt alia pleraque Præmonſtratenſia, ſic & Heinsbergenſe monaſterium olim fuit vtriuſque ſexus: vt datur intelligi ex ſubſequentibus diplomatibus. Hodie Præpoſitum habet ex ord. Præmonſtratenſi, qui monialibus præeſt.

LODEVVICVS Lonenſis) ſeu Loſſenſis Comes.

C A P V T X L V I I I.

Philippus Heinsbergius, Coloniensis Archiepiſcopus, monaſterij Heinsbergenſis fundationem, à patre ſuo Goſuino & matre Adeleide factam, an. 1180. confirmat.

IN nomine ſanctæ & indiuiduæ Trinitatis, ego PHILIPPVS, Dei gratia ſanctæ Coloniensis eccleſiæ Archiepiſcopus, omnibus Chriſti fidelibus in perpetuum.

Cùm omnibus in bono ſeruire debeamus eccleſijs, maximè tam honestum eſt, ad confirmationem veritatis, nos cooperatores exhibere domesticis.

Nouerit ergò omnis futura generatio, quòd dominus meus & pater carnalis GOZVVINVS huius nominis ſecundus de Heinsberg, & domina mea & mater ADELEIDIS, conſentientibus omnibus heredibus ſuis, me ipſo ſcilicet & fratribus meis, GOZVVINO, Herimanno, Godefrido, ſororibuſq; Vda, Methide, Salome, partes alodij ſui, duos videlicet manſos, qui fuerunt feudum Godefridi, item duos manſos qui fuerunt Arnoldi, continuatim iacentes, in ſuburbio ipſius caſtri, pro ſalute animarum ſuarum, omniumque parentum, Deo omnipotenti intima atque perfecta voluntate obtulerunt, conſtructa ibidem eccleſia in honore Dei & ſanctiſſimæ atque piſſimæ genitricis ipſius Mariæ, ad altare ipſius in die conſecrationis, quando à domino Henrico ſecundo, piæ memoriæ Leodiensij Epiſcopo, prædicta conſecrata eſt eccleſia, addito inſuper alodio ſuo, quod dicitur Rode Huberti.....

De cetero quantamcumque libertatem potuerunt, tam ipſi
T t quàm